



國立故宮博物院珍藏



清代起居注冊

同治朝 第十冊



國立故宮博物院珍藏

清代起居注冊

同治朝

第十冊

同治二年八月上……五〇五一
同治二年八月下……五一八七
同治二年九月上……五二六七
同治二年九月下……五三八七
同治二年十月上……五四九五
同治二年十月下……五六〇五

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78
7436
72

NT\$ 86,000.00

72·12·0650

·89007167·

清代起居注冊

同治朝第十冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號
電話：七六〇一六一 二二一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治二年歲次癸亥八月初一日乙亥

上詣綏履殿

母后皇太后前請安平安室

聖母皇太后前請安是日內閣奉

諭旨萬青藜林壽圖奏謹擬緝捕馬賊章程請酌
增兵額劃撥地糧各等語著該部妥議具奏又

奉

諭旨劉長佑奏知府丁憂請免開缺一摺直隸廣
平府知府余承恩現聞訃丁父憂例應回籍守
制惟廣平府屬毗連山東緝捕籌防均關緊要
該員現在管帶勇隊恩信素孚未便遽易生手
余承恩著免其開缺改為署任仍令在營帶勇
勦賊俟軍務完竣再行回籍補行終制該部知
道又奉

諭旨劉長佑奏分別舉劾守令各員以示勸懲一
摺除單開保薦各員另行存記外直隸灤州知
州祁之鐸躅冗無能鹽山縣知縣李景沆聲名
狼籍撤任武強縣知縣葛鳳竹任性妄為候補
直隸州知州多壽性情暴戾候補知縣谷洪德
性情乖張均著革職清豐縣知縣存誠才短性
偏著改為教職歸部選用撤任任邱縣知縣沈

廷柱遇事顓預著以縣丞降補候補知府景桂
聲名平常著以同知降補該部知道是日

起居注官伍忠阿童華

初二日丙子

上詣綏履殿

母后皇太后前請安平安室

聖母皇太后前請安是日內閣奉

諭旨玉明奏查驗

永陵工程請派員勘辦以昭慎重一摺著派基溥阜
保馳驛前往會同玉明敬謹查勘辦理所有隨
帶人員著一併馳驛前往又奉

諭旨特克慎奏病難速痊懇請開缺一摺庫倫辦
事大臣特克慎著准其開缺回旗調理又奉

諭旨兵部奏遵議京城地面馬匹不准外間採買

一摺各直省軍營需用馬匹例應赴口採買至京城地面馬匹無多且非產馬之區向無准令外間採買之例第恐日久禁令稍疎各路軍營委員或有於近畿地面採買者甚至有私販影射等弊亟應嚴行禁止嗣後京城地面馬匹概不准外間採買以符舊制該部即嚴行申令行知各該地方官一體遵照辦理其各路軍營採

買馬匹委負著令赴部領票於出口時由該部
行知步軍統領衙門順天府查照如採買經過
地方查無兵部文票即照私販馬匹例辦理以
杜弊混又奉

諭旨左宗棠奏勦辦奇田土匪事竣擒獲首犯正
法等語本年三月間浙江黃巖縣屬奇田土匪
徐景明等恃險結寨抗拒官軍經左宗棠嚴飭

各營分路進剿六月初三日都司楊應龍督勇
先進該匪穴壁環開鎗礮守備張招銀中鎗陣
亡各勇奮力齊進遂將賊巢攻破斃賊百餘名
餘匪紛紛出竄復經各營圍剿殆盡徐景明逃
至太平旋經拏獲就地正法勦辦尚屬認真仍
著左宗棠嚴飭各屬將地方積惡棍匪嚴密拏
辦勿令勾結滋擾以靖地方浙江屬台州府知

府韓承恩於奇田土匪滋事先事漫無準備事
發一味張望署黃巖縣知縣劉蘭馨稟報軍情
諸多掩飾居心尤屬巧詐均著即行革職以示
懲儆其尤為出力之都司楊應龍著以遊擊補
用署溫州鎮標遊擊謝復雲著賞加叅將銜陣
亡之署台州府同知乍浦同知希慶都司銜守
備張招銀力戰捐軀殊堪憫惻均著交部照例

議卹又奉

諭旨李鴻章奏官軍攻毀太湖賊營進佔蘇城並
進攻江陰踏平附城賊壘一摺江蘇官軍自攻
毀沿湖賊卡後程學啟督水陸各軍進攻太湖
大缺口該逆憑湖設立兩營堅守死拒七月初
八日官軍分路進攻北岸賊營開礮環擊轟斃
悍賊無數左有才等督軍奮勇先登陽利見等

截扼飛虹橋口並斬斷浮橋賊不得遁悉數殲
滅並斃賊首徐尚友一名其南岸賊營望風奔
潰官軍乘勝追殺並將洞庭東山打館之賊全
行誅戮計斃賊二千餘人落水死者不計其數
程學啟等遂督軍圍逼蘇州與婁門葑門相距
數里其進攻江陰之軍於初七日敗賊於黃山
及東門外斬首數百級生擒百餘名並獲偽安

福等數名正法該逆於城外四門分營踞守劉
銘傳於十一日踏毀北門賊壘十二日各營會
攻東門將石營三座次第攻克並將該逆歸路
截斷四面兜殺生擒偽天將及燕候等十餘名
正法斃賊千餘名擒斬賊酋二十餘名各軍已
滾營進紮福城而壘勦辦甚為出力著李鴻章
即督飭程學啟李鶴章等軍迅克蘇州江陰各

城蚤奏膚功用伸天討記名總兵淮揚水師營
官賴榮光此次奮勇力戰中鎗陣亡殊堪憫惻
著交部照總兵陣亡例從優議卹並於死事地
方建立專祠以慰忠魂同時陣亡之遊擊龍玉
麟著一併交部從優議卹是日
起居注官延煦沈秉成

初三日丁丑

上詣綏履殿

母后皇太后前請安平安室

聖母皇太后前請安是日內閣奉

諭旨都察院奏廣西舉人揀選知縣黃鼎鎮應詔

陳言一摺黃鼎鎮所遞時事十條著該部議奏

又奉

諭旨穆騰阿張集馨奏攻破附省要隘賊巢一摺